

مجله دانش اسلام

سر ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیة در
اتبعون اهدکم سبیل الرشاد صاحب و مدیر مسئول : ح . اشرف ادیب

بوندن صوکرده فرقه اختلافی برافراز، سیاسی مسلک مزی اونوتماز ایسه ک هلال و اضمحلال اوچورومنه یووارلانه جغمنز قطعی و محققدر .

ارتق صوک مرحله مزده اولسون اوللهک غالب آرسلائی امیرالمؤمنین حضرت علی نک سوزینی درخاطر ایدم : آدجغزک بری امیر صومش : معاویه نک عسکری باطل طرفنده ایکن ناصیل اولدوده «حق» غلبه ایده بیلدیلر؟ بویوک خلیفه جواب یورمشلردی که : «اونلر باطل ایدیلر اما اتحاد ایتدیلر مظفر اولدیلر ، بز حق طرفنده ایدک اما تفرقه دوشدک ، مغلوب اولدق .»

ارتق المزده نه قدر ثروت، وجود مزده نه قدر قان و جان وارسه هپسینی الله اوغورنده فدا ایدم؛ کورمیورمی یز روسیه ایله آوستریا اردولری صوک قالان اسلام هیئتیه ده محو ایتک اوزره محاربه میداننه شتابان اولق ایچون حریصانه چیرینمقده درلر.

دشمنلرمن قارشیننده کله اسلامک تأییدنن، عثمانلی ملککک ابدیاً ابقا سندن باشقه هیچ برضایه زبط قلب ایتیمه رک اتحاد ایدم؛ آرمزده نه قدر نفاق و شقاق وارسه جمله سنی ترک ایدم رک برلشم، یکوجود اولم : زیرا بز توحید امتی یز؛ جناب حق ده کتاب کریمده بزه عینی شیئی امر بویورویور.. باقی الله مؤمنلرک یاردم جیسیدر.

شیون

بالقاندردده جهاد

۱۱ نسرین اول ، بیخسنب :

بوکون رسمی برخبره کوره ، قومانونه حوالینده تحشد ایدن و غرب اردوسنه منسوب بولنان قوای عثمانیه صربستانک موروا وادینندن ایلریله یز اردوی اصلیمی اوزرینه تعرض ایدیور ؛ وقوعه کان شدتلی محاربه ده درت فرقه تخمین اولنان دشمن اردوسی تلفات کلیه ویره رک قطعی بر مغلوبیته دوچار اولیور ، کاملاً رجعت ایدیور ، قوای مظفره عثمانیه نک دشمنی تعقیب ایلدیکی تبشیر اولونیور . بو خبر اهالی بیننده سونجیلرله قارشیلانیور . مرده مظفریتی هرکسندن اول ایکنجی طبع صورتیه درج سستون ایتش اولان «اقدام» قاپان قابانه صاتیلیور . آقشام اوزری تقویم وقایعک رسمی بر علاوه سنی دخی اقدامده کی خبری عیناً نشر ایدیور . بوکونکی غزته لر آلمانیا ایله فرانسه دولترینک بی طرفلق اعلان ایتدکلرینی ، ایتالیا نک ده اعلان بی طرفی ایتک اوزره دولترله مذاکره ده بولوندیغنی اخبار ایدیورلر . رومانیای حکومتی ده روسیه دولتشک آلاجنی وضعیت توضیح ایتدیکندن بی طرفلق اعلانی تأخیر ایدیور .

۱۲ نسرین اول ، محمد :

بعض غزته لرک اولجه ویرمش اولدق لری مستعجل و برآزده مبالغه لی خبرلرله محاربه شاقا ایتش کی اوچ کون صوکرده اردومزک قلبه ده رسمی کجیدیا باجغنی فضله برغرورله بکلین افکار عمومی بوکون بویوک بر مظفریت خبرینه منتظر ایکن تبلیغات رسمییه شرق اردومزک بر بلان اقتضاسی اوله رق طونجه شرقتدن حدودی تجاوز ایدن بلغار اردوسی آجیلغه مجبور، دوچار توقف و دشمنه وقت غیب ایتدیر دکن

صوکرده ، نتیجه سی مشکوک بر محاربه قطعییه کیریشمکدن اجتناب ایله انتظار ایتدیکی تقویه قطعاتی اوزرینه منتظماً چکدیکنی انبار ایدیور . بوجعت خبری عسکرلکدن آکلامیان، بوتون آرزوسی دائماً هجوم و متصل غلبه خبرلری دیکلکمک اولان اهالیمز اوزرینه سؤ تأثیر ایدیور وکندیسنجه مبهم بولدینی بوتلیغندن اندیشه ناک اولیور . بوندن ده ایچمزدده کی دشمنلرمن استفاده ایدیورلر . برآن محیطمزی کندی افساد ایلرندن خالی بر اقیان ف ادجیلر علاقه دار اولان محافلدن آلدق لری مشوم خبرلری بیک درلو مبالغه لرله نشر ایدیور ، افکار عمومی یی اندیشه لره سوق ایدیورلر . شرق اردوسی حقنده درلو درلو مبالغه لرله نشر اولونان صنیته لر اهالینک تلاشنه سبب اولیور ، هرکس بر تلاش شورایه بورایه صوقولیور ، احوالک کنه و حقیقتی نه دن عبارت اولدیغنی اوکر نک ایستیه یور . روم ایلی - بلغار حدودنده ، قرق کلیسا وادرنه جوارنده کی محاربات وقوع بولدیغندن اورالرده ساکن عجزه دن اختیار ، قادین ، چولوق چوجوق مهاجرت ایدم رک بوکون شهرمه کلیورلر . مهاجرلرک بو صورتله ورودلرندن استفاده ایدن مشوم آغزلر یالانلرینی حقیقته بکزمه ده بیلکم صورتیه قوه معنویه مزی قیرمقدن عبارت اولان مقصد جنایتکارا نه لرینه مساعد بر شرائط بولور کی کورینیورلر . بر طاقم غزته لرک اولجه ویرمش اولدق لری مبالغه لی مظفریت خبرلری ده ، شمدی حقیقتک حالا انتظار ایدیلن بر حالده اولدیغنی کورن افکار عمومییه مزی انکساره اوغراقمده علاقه دار اولدیغنی هرکسجه حس ایدیور .

۱۳ نسرین اول ، محمد ابره سی :

بوکون چقان غزته لر دونکی تبلیغات رسمییه دن ، مشوم آغزلرک نشر ایتش اولدق لری یأس آور تفسیر ایدن طولانی مضطرب اولان افکار عمومی یی تنویره چالشیورلر . مع مافی افکارک متشیج اولدیغنک حالدا دوام ایتدیکی علائمه حس اولونیور . هر کس طولانیور ، تجسس ایدیور . دیگر طرفدن سرای هایونده بالان حکومتلریله وقوع بولان محاربه نک صفحاتی وایجاب ایدم رک تدابیرک صورت اتخاذ و اجرایی ذات حضرت پادشاهیجه بیلنمک آرزو سیورلسی اوزرینه وسطی ساعت ایکی یچقدن صوکرده عموم وکلا ، اعیان و علمانک بر قسمندن مرکب فوق العاده بر مجلس انعقاد ایدیور . اجتماع آلتی ساعت قدر امتداد ایدیور . مذاکرات حال حرب وسائر بعض مسائل مهمه حقنده جریان ایدیور ؛ موقع حریده بولنان حربیه ناظری ناظم باشا ایله مخبره اولنیور ، حربک صفحات و طرز جریانی حقنده معلومات آلتیور ، صوک درجه یه قدر بذل غیرتله اتخاذ تدابیر قلنمی و شان عسکرینک محافظه ایدلسی قرار کیر اولیور . بوندن باشقه هیئت وکلا موقع حریده بولنان حربیه ناظری ناظم باشادن کچ وقت تکرار تلغرافله معلومات طلب ایدیور . اردونک شمیدی وضعیتی تدافعی اولدیغنی وایلریده تجاوزی وضعیتده بولنه جنی ، اردونک حالی یولنده اولدیغنی قوت قلبیه ایله تأمیناً اشعار اولونیور .

یونان حدودندن ده موجب ممنونیت بر خبر کلیور . تبلیغ رسمی : دشمنی ایچری چکوب قهر ایتک اوزره لوروس قطع اتنده بالالتزام جهت عسکریه جه بوش بر اقیلوب دشمن طرفندن اشغال ایدلش اولان «قومجادیس» و «غریبه» تپه لرده تشرین اولک اونجی اقسامی عساکر عثمانیه طرفندن دلیرانه وقوع بولان هجوم اوزرینه کاملاً استرداد ایدیلرک دشمنه کلی تلفات ویردیرلیدیکی ، تعقیبنه شدتله دوام اولوندیغنی بیلدیریلیور . یونان فیلوسنک آدریاتیک سواحلنده کشت وکذار ایدم رک عدم موفقیتله نتیجه لن بر طاقم حرکاتده بولوندیغنی ده غزته لرک نشر ایتندن آکلاشیلیور . قرق کلیسا محارباتنده مجروح دوشن غازیلر مژدن بر مژدار بوکون شهرمه کتیریلیور ، خسته خانه لره توزیع اولونیور . اوحوالیدن کلن مهاجرینه دخی جامعلرده یر ویریلرک کنسلیرینه اکک ویمک توزیع اولونیور .

۱۴ نسرین اول ، یارار :

بوکون بوتون غزته لر متحداً اخیراً استانبوله الفا اولنان انکسار روحیه نک ازاله سنه خادم ، متانت و ثباتی تلقین ایدر مقاله لر نشر ایدیورلر . اوکله دن

اردوی هایونشك ده اوكوندن برو كچهلى كوندوزلى مساعى ايله قوتلرني تكثير وتقويه ايتكله اعاده انتظامه چالشديني جهته يقينده بيوك بر محاربه نك مأمول بولوندينى بيلديريليور . برمانورا ايجابى اوله رق اردومزك رجعتي اوزرينه سرفيجه يي اشغال ايدن يونان اردوسنه اخيراً عثمانلى جنوب اردوسنك تهاجمي حركات اجراسنه ابتدار ايدهرك يونان اردوسنى سرفيجه ده مغلوب ايتديكى وجنوبه طوغرى تعقيب ايله قرق كچيد موقعنه قدر پوسكورتديكى وبومحارباده الده ايديلن يونان اسراسندن بعزيلرينك سسلانكه كتيرلديكى غزته لك خصوصى مخابرلى اشعار ايديور . بوكونكى غزته لر ميدان حربدن ۹ ضابطله ۲۱۹ مجروحك شهر مزه كتيرلديكى ، بونلرك ميانده منسوب اولدينى قطعه ايله حربه اشترك ايلش اولان وميدان محاربه ده ثبات ومقاومت كوستره رك مجروح اولان شهزاده عبدالحليم افنديك استانبوله كلديكى ده يازيليور . بوكونكى غزته لر ۲۴ - ۱۲۵ يول تاريخلى اداره عرفيه بياننامه سنده ذكر ايديلن منطقه ده كچه لرى وسطى ساعت اوندن صوكره سوقاغه چيقيمه نك ممنوعيتى ، عيني زمانده عمومه مخصوص م واقعك م دود بولنه جفنى وساثر موادى مشعراولجه نشر اولسان مواده ذيل اولقى اوزره استانبول محافظلغندن وبرنجى قول اردو قوماندانلغندن برياننامه نشر اولنيور . غزته لك غير رسى اوله رق ويرديكى معلوماته نظراً قرق كليسادن حصوله كلن خوف واخلجانه سسييت ويرن ووظيفه عسكرى لر نه لياقتسزك كوسترن الى اوج قدر ضابط ونفرلرك ربه ناظرينك امري اوزرينه ديوان حرب طرفندن محاكه ايديله رك قورشونه ديزللكرى آكلاشيليور .

برايكى كوندن برى هيئت وكلا ده تبدلات اوله جق ديه نشر اولسان مسوعات بوكون كامل پاشا صدارت آلاينك اجراسيله كسب توضح ايديليور . افكار عموميه نك بويله مشكل برآنده هيچ احتمال ويرمديكى بربحران وكلا موجود اولدينى ميدانه چيقيور ، استعفا ويرميه جكنى دفعاتله ذكر ايتش اولان غازى مختار پاشا استعفا ويريور ، صدراعظم كامل پاشا ايله شيخ الاسلام جمال الدين افندى نامنه تسطير اولنان خط هايون مراسم مخصوصه ايله باب عاليده قرائت اولونيور . بوكون بلغار اسراسندن بر قسم شهر مزه وارد اوليور وحريره نظارتنده يرلشديريليور .

۱۷ تشرین اول ، صهارشبه

بوكونكى غزته لر واقع اولان تبدل وكلا دن بحث ايديسيورلر . انگليز سياستك مروجى اولان غزته لر بوير سياستك انگلتره قرالرينك مورد الطاف واحتراماتى اولدقلرندن برلسان افتخارله ايراد مقال ايدهرك كامل پاشانك باب عاليه كيرمسيله ۳۴ سنه لك مدید بر مدت ظرفنده منسى بر حالده قالان انگلتره سياست منجيه سنك دخى باب عاليه داخل اولمسنى ستايشلرله آلفليورلر . « حق - طين » ايسه بوتبدلك مملكتك بويله مشكل برآنده وقوع بولديغنى ، اجنبى برتهلكه قارشوسنده اونودله سى الزم اولان داخل احترافات سياسيه نك اونودولما ديغنه بر دليل مؤسف كى كوريور وكامل پاشانك مقام صدارته كلسنى اتحاد و ترقى فرقه سنك تهلكه وطنيه قارشيسنده اتحاد ايتش اولدينى مسلك فداكارانه وفر اغتكارانه يه مقابل رقيبيلرينك ، موقع اقتداره كلك ايجون بك خطرلى دقيته لر دن بيله محترسانه استفاده ايتدكلى شكلنده تفسير ايديور . معافيه « محاربه ان شاء الله عثمانيلرك غلبه سييله نيجه لنسون ، اوندن صوكره الله كريم ! » ديه يوبابده سويليه جكى سوزلرى ديكر بر زمانه تعويق ايديور ، بوكون ايسه دونكى سياستندن آيريليور . ميدان محاربه دن كلن خبرلر ساحه حربه كى وضعيتك تبدل ايتديكى كوستريور . شرق اردوى هايونشك تدافى وضعيتدن چيقارق تهاجمى بر وضعيت آلدینی ، بوتون خط بويونجه بيوك بر محاربه باشلادینی اردوى هايون باش قوماندانلى وكالت جليله سندن وارد اولان تلغرافلر دن آكلاشيليور . حرب دوام ايديور ، نيجه حرب بيوك بر انتظارله بگله نيليور . محاربه مذكوره نك ويزه - بابا اسىكى ده واقع اولدينى ده غزته لك افاده سندن آكلاشيليور . اسكوب جوارنده صربلرله محاربه دوام ايديور ، يونانستان حدودنده يانيه ده عثمانلى عسكرينك مظفر يته دائر خبرلر وارد اوليور .

صوكره رسى اوله رق قرق كليسانك استردادى خبرى ده وارد اوليور . بوخبرده قرق كليسا طرفلر نه وقوعه كلن محارباده ميرالاي حلمى بك فرقه سنك بك بويوك يارارلق كوستروب كندى فرقه سنك موجودى نسبتنده دشمنه تلفات ويرديريكى ، دشمنك قرق كليسادن تباعد ايتديريلىكى ادرنه ولايتندن وارد اولان تلغرافلر استناداً بيلديريليور . ديكر بر تبليغ رسيمده دخى قواى عموميه عثمانيه نك منتظم بر حالده ايلرى حركاتنه ابتدار ايلديكى اخبار اولونيور ، ادرنه دن چكيلن خصوصى بر تلغراف ده دشمنى مقدار كللى تلفاته دوچار ايدهرك قرق كليسا يه كيرمش اولان حلمى بك فرقه سنك هر تعريف وتوصيف فوقنده اولان خدمات قهرمانانه سنك ادرنه ده بيوك بر مسرت حصوله كتيرديكى سويليليور . علاوه اوله رق قرق كليسا منطقه سنده كى احوالك غايت مساعد بر شكل آلدینی ده آريجه تأمين اولونيور . وقاينى دهها جديجه تعقيه باشلايان خلق مسترخ وممنون اوليور .

۱۵ تشرین اول ، بازار ايرتسى :

آلان خصوصى تلغرافلر ده ماراش موقعنده پاپاس تپه نام محله تشرین اولك ۱۳ نده وقوع بولان بر مصادمه ده اوج بلوك بلغار سواريسندن برينك كاملاً تلف ايدليكى ، دشمندن اوج متراليوز آلدینی كوروليور . چوكه ناحيه سنده ده مهم مصادمه وقوعه كهرك دشمنك تلفات كلييه دوچار اولدينى ، فرار ايدن دشمندن برقاچ طويله بر خيلى مانليور تفنكى اغتنام ايدليكى بيلديريليور . طمراش جوارنده دشمنك عثمانلى دلاورلى طرفندن محاصره يه آلدینی ده آكلاشيليور . ادرنه نك متاتى تأمين اولونيور . هركون اولدينى كى بولونده ميدان حربه كيتلى عسكر كيديور . برطابور قدر فداكار كورد كوكليلرى مهيب بر صورتده ، نمايشلرله ، مى شريقلرله حربه نظارتنه كيديورلر . روم ايلي دن كلن مهاجرينك اكثريا لزوم سزيره برطاق توهمله قاپيله رق اختيار مهاجرت ايتدكلى ، بعض مأمورين ملكيه نك بوكى احوالك اوكنى آلاجلرينه كندلرينك ترك موقع ايتمه لريله ده ازياده موجب هيچان اولدقلى داخله نظارتجه خبر آلدیغندن ۱۲ تشرین اول تاريخيله ادرنه سلاينك ، قوصوه ، مناستر ويانيه ولايتلرينه با تلغراف وقوع بولان شديد المال بر تعميم نامه نك صورتى نشر ايديورلر . تعميم نامه ده ذل فرارى اختيار ايدن مأمورين ملكيه تكدير ايديله رك خدمت موقته لرني بك جزئى بر بدل ايله ايفا ايدن عسكرلر فرار ايتدكلى زمان قورشونه ديزلك كى بر جزای اليه دوچار ايديليرسه دولت وملتك پرورده عنايتى اولوب مستوفى معاشرله حالى ترفيه واستقبالى تأمين ايديلن مأمورين ملكيه نك بلا سبب خوف وخشيته قاپيله رق اهالى يه قارشى مكلف اولدقلى وظائفى بسبتون اونوته رق فرار ايتلى نه درجه ده باعث خجالت ووجداناً ، قانوناً نه مرتبه بادی مسئوليت اولدينى ميدانده اولديغنى اخطار ايديور وبويله لرنيك « عزل ايدللكه برابر شدتله تجزيه ايديله جكلرينك وشو خجالت انگيز حركات منفوره لرنيك سجل احوالرينه كچريله سنك دواتجه مقرر بولوندينى » مقام تهديدده بيلديريليور .

ايكى كوندن برى يكدىكرلريله صيق صيق كوروشن دول معظمه سفراسنك دون اقسام آوستريا سفارتخانه سنده اجتماع ايدهرك اوزون مدت كوروشدكلى خبرى دول معظمه نك محارباتى توقيف ايتك مقصديله مداخله ايدهر جكلرى شابعه سنه بر از قوت ويريور . فقط غزته لر بويله بر مداخله مسئله سنك اوروپاده موجود اولديغنى ، اولورسه دولتيه نك هر درلو مداخله يي رد ايدهر جكنى يازيورلر . بوكونكى هيئت وكلايه ، اخيراً اردوكاهه كيدهرك عودت ايدن صلح پاشاده اشراك ايديور ، اردونك وضعیت اخيره سى حقنده تفصيلات مكمله اعطا ايليورلر .

۱۶ تشرین اول ، صالى :

بوكون ، حربه ناظرينك قرارگاه عموميدن چكمش اولدينى بر تلغراف غزته لرله نشر اولونيور . بوتلغرافده بلغار اردولرينك تشرین اولك ۹ نجى كونى قرق كليساده واقع اولان محاربه ده ايوجه زده لشم اولدينى جهته هنوز اعاده انتظامه موفق اولمديغندن ايلرى حركاتنه باشلايه مدینی ، شرق

۱- اوقسفورده عقد ایدیلن شرقیلرمتیننی تورکیه نك، وحشی وغیر انسانی بر هجوم و حرب ایله مشغول اولدینی برصیراده کندیسنه حقسزیره اعلان ایدیلن بویککنجی حربیه قارشى شدتله پروتستو ایدر وشدتلی حسیات نفرتی بیان ایلر . متینغ ، بویوک دولتركوبویوک مدنی ملتترك بویله منفرد ومدنی بردولت اراضیسنه دیکرلرینك تجاوزات ظالمانه سی قارشیسینه اتخا ایتدکاری خط حرکتدن دولایده متأسف ومتحیر اولور . آکلاشیلیورکه آوروپا طرفندن خلافت اسلامیه نك ضررینه متحد بر غیرت موجوددر . متینغ ، عالم انسانیتك منافی نامنه بویله محاربه لره وقتالاره مساعده ایدله سی فکرنده اولدینی اعلان ایلر .

۲- متینغ تکمیل حسیات خیرخواهانه وتنیات محبانه سی بی امان دشمنلریله وقوع بولان محاصره حاضره سنده ذات حضرت خلافتنه ایله بویوک اسلام دولته عرض ایدر . متینغ یکیلیمز عثمانلی اردوسنك قوتنه اعتماد تامنی بیان ایله عثمانلی اردوسنك شان وشرافی تزئید ایدله جک هر نوع موفقیتی تمی ایلر . متینغ بالعموم مسلمینك وبالجمله شرق اقوامنك تورکیه یه مظاهرتلرینی طلب ایدر .

۳- بومقررات بوتون ملتترك مطبوعاتنه کوندریلدجک وحکومت سنیه یه ده تبلیغ اولنه جقدر .

پارسمه :

اسلاملر ، عثمانلیله میرافمه ایچوره برلشکمز . — بو سر لوحه ایله پارسدن عموم دارالخلافه مطبوعاتنه ارسال ایدیلشدر : « بو کون - یعنی ۱۳۳۰ سنه سی شوالنك یگری سکرنجی کونی - پارسده مقیم بالجمله کنج مسلمانلر عتد اجتماع ایتدیلر . اک مقدس واک مشروع حقوق پایمال ایدلک ایسته نیلن حکومت عثمانیه یی ، بو آلتی عصر دنبری قانونک بهاسنه مقام خلافتی مدافعه ایدن بویکانه حکومت اسلامیه یی ، عدالت بشریه نك مساعده ایدله یی مرتبه ده مدافعه یه عزم وجزم ایله چالشمغه عین ایلدیلر .

اوروپا حکومتلرندن بعضیلرینك عصر حاضر افکار فلسفه سیله ووجدان انسانیت ایله قابل تألیف اولیان طور وحرکتلری بزمسلمانلری بویکرمکنجی عصر صلیبونه قارشى مؤلم بر صورتده صیانت نفسه ، محافظه حیاته مجبور قیلور . بویک قطعاً قانزکه حکومت عثمانیه یی مدافعه ایله بر طرفدن اوروپانك پک فضولی اولارق التزام وکندیسنه استناد ایتدیکی ، دیکر طرفدن پک آجیقلی بر صورتده چیکنه دیکی حریتی ، عدالتی انسانیتی مدافعه ایتش اولیورز .

بومؤسف حقیقتلره ایمان تام ایله معتقد اولدیغمز ایچوندکره دنیا نك بوتون مسلمانلرینه خطاب ایدیورز ویدیورزکه ماضی مشترککمز نامنه ، و بوتون بونلرک فوقنده اولان حقوق مبعله انسانیت نامنه برلشکمز ، متین ، قوی بر عزم ایله برلشکمز .

ای مؤمنلر !

بو، جهان اسلامیت ایچون برامتحاندر، برهنکامه جهادومبارزه حیاتدر . یشامق ویا اولمک ایچون آچیلش برجهاددرکه اومیدان جهادک سماسی یا محتمم ماضیمزدن نشان ویردن بر خورشید سعادت ایله ابدیاً منور اولاجق ، ویا - اللهم بزی محافظه آیله - قبه ظلامی آلتسده عیون جلادته قان آغلانجق بر مزار احضار ایدله جکدر .

بوجهادی بز آچادق بزه آچدیلر . چونکله مسلمانز . دیمک که شایان تهمت ونکبتز .

اعدام ابدیمز ایچون ویرمک ایستیلن حکم انسانیت شکنانه یه قارشى برلشه لم ، جسارت ایله ، حاسست ایله برلشه لم ، عدالت حضرت کبریاه ، روحانیت جناب پیغمبری یه استناد ایله برلشه لم ده اعداضی قهر وحیاتمزی ، ناموسمزی قورتارم لم . زیرا نجاتمز ایچون بوندن باشقه چاره من یوقدره .

روسیاره :

روسیا غزته لرینك بالقان حکومات متفقه سی لهنه و اسلام علیهنده ک

بوکون اوله دن صوکرا شرق اردوسی حقنده وارد اولان رسمی خبرلره کوره : ویزه ده وجهه ده ، ادرنه نك غرب جهتنده ، جسر مصطفی پاشا قولنده بلغارلرک بوسکوردلیدیکی ، اهمیتلی تلفاته دوچار ایدلیدیکی آکلاشیلیورز ، دوندن بری آتش انتظار ایله یاغنده اولان کوللر برآز فرحانیور . سلا نیکن خاقان مخلوعک المانیانك معیت واپوریه استانبوله کلکده اولدینی خبرینك بیله اوقدر اهمیت ویرن یوق . بتون دوشونجه لر ، بتون نظرلر شرق اردوسنك موفقیتنده . چونکه بومیدان محاربه سنك نتیجه سی دولتك حیات ممت مسئله سی اولدینی هرکس آکلاور .

عالم اسلامده تظاهرات

هندستانده :

هندستان داخنده دهلی . مسلمانلری برمتینغ عقد ایدرک عساکر عثمانیه نك مظفریاتی تمیزسینه بولندقلری کبی خاکپای حضرت خلافتنه ایله برتلغرافنامه کشیده ایدره ک عرض تعظیات ایشلردر .

§ هندستان مسلمانلری نامنه «هلال احمر» اداره سنه چکیلن برتلغرافده دشمن منابعدن قرق کلیسا رجعتی اوزرینه هیجان انکیز برشکلده نشر اولان تلغرافلردن هند مسلمانلرینك فوق العاده اندیشنك اولدقلری بیان ایدیلرک کندیلرینه برآن اول خبر ویرله سی رجا ایدلش . «هلال احمر» طرفندن دخی قرداشلر مزاك ابراز ایتدکاری تظاهرات اخوته قارشى بیان تشکر ایدلکدن صوکره حال وموقعده بادی اندیشه برشی وقوع بولمیدنی بیله ییشلدر .

§ «بومبای» و «دهلی» ده کی مسلمانلر طرفندن بیوک اجتماعلر عقد ایدلش وهلال احمر منفعتنه (۳۷۵,۰۰۰) فراق اعانه درج ایدیلدر .

مصرده :

مصرلی برادرلر مزی بویک برهمتله «هلال احمر» و «حرب اعانه سی» اوله رق اعانه لر طویلورلر . اعانه ویرنلر میاننده (العلم) رفیق مزده ارباب حیتدن عمر طوسون پاشا حضرتلری طرفندن آلتی بیك انکیز لیراسی ویرلیدیکی مع المنونیه اوقودق . بو بویوک حیت پرور ذات ایشالیا - عثمانلی محاربه سی اعلان اولوندینی زمان دخی بش بیك انکیز لیراسی حرب اعانه سی تبرع ایتلدری .

§ طرابلس غرب محاربه سی ائسانسده مصر هلال احمر جمعیتنه طویلانان واون التی بیك مصر لیراسنه بالغ اولان اعانه دن قالان مبالغك بالقان محاربه سی طولایسیله اوراده تشکیل اولونه جق هلال احمر جمعیتنه دوری مترر اولدینی و بالقان محاربه سی ایچون خطه مصریه نك هر طرفندن اعانه قومیسینولری تشکیلنه ابتدار اولوندینی کبی مصردن برچوق کنجلرک دخی کولکلو اوله رق دارالحربه عزیمت ایتک اوزره بولوندقلری مصر غزته لرنده اوقونمشدر .

§ مصرلی وطنداشلر مژدن یوز الی قدرینك اردوی هایونده کولکی صفتیه ابراز خدمات ایلک اوزره در سعاده متبی عزیمت اولدقلری قاهره غزته لرنده اوقونمشدر . بودکرلی حیتکارلر مصرک اک معتبر ومحترم عائله لرینه منسوبدرلر .

§ مصرک کنج وطن پروراندن اولوب درنه مجاهدینی ایله برابر مجاهد محترم انور بکک معیتنده پک مهم حرکات وطن پرورانه ابراز ایتش اولان قاهره لی محمد حلمی ، سید شمار ، قاسم باروفی ، محمد درویش افندیلر کولکی اوله رق بالقان حدودلرنده حرب ایتک ایچون دارالخلافه یه واصل اولمشلردر .

انگلزده :

تشرین اول رومینک ۱۲ نجی کونی انکله زده اوقسفورده شرقیلردن مرکب برمتینغ عقد ایدلشدر . متینغه سید حیدر رضا ریاست ایشلدر ، متینغک کاتب فخریسی سید آل عمران طرفندن کوندریلن مکتوب مندرجاتنه نظراً متینغده اتفاق آرا ایله قبول ایدیلن مقررات بروجه آتیدر :